

Ургъц тӱргӱр хураджана

Яшалтинск района, „Победа“ колхозин 4-ч номертӱ ком-плекси бригадин механизатор-муд тӱрӱ хадлгън цоклгън хой-риг онц-онцднӱ келгънӱ эв-аргъар 1606 гектар делгӱ ха-дад унгъачкад, терӱгӱн ком-байнар цокдж авад, 2800 цент-нер буудя государствд орулдж ӱгв. Бригадин ток деер дакад чиги 14266 центнер буудя ӱл-дси бӱӱнӱ. Эн буудяг элева-торур зӱӱдж кӱргхд колхозин болн автобазин машид шунм-гъа кевӱр кӱдлджӱнӱ.

„С 6“ комбайнар ӱр Любовь

Точка ӱдр болгън 20-д гектар тӱрӱ хадджав. Эн комбайнер тара хуралгъна ӱдр эклснӱс авн ӱдгӱ цаг кӱртл 250 гектар тӱрӱ хаддж авб, терӱнӱси 3520 центнер буудя цокдж авб. Комбайнер Александр Пчелин-цев 222 гектар тӱрӱ хадад, терӱнӱси 4115 центнер буудя цокдж авб.

Комбайна агрегатс зогсл уга кӱдллгън дакад комбайнас буудя колхозин токур тасрхан угагъар зӱӱлгън—тракторист-рин болн шофермӱдин шун-лтта кӱдлмшин аш болджана.

А. ШУНГУРОВ.